

ŴAHEBERE, CHIPATULO THU ³

 Chipatulo 7, 8, 9, 10, kufumira mwenemula, o, mwe! Muŵe na phesulo linu na pepala, na chirichose, pafupi, pakuti ine nkugomezga Fumu yitipenge nyengo yiweme ise. Sono ise. . .

²¹⁸ Paulos wakukwezga na kukhazikiska, pa malo, Fumu Yesu. Sono, usange ise timalizgenge ichi usiku uwu, pa Sabata mlenji. . . Cheneicho vinandi nya ichi vizamungilirana nkhanira mwenemula na Uthenga wa pa Sabata mlenji, chifukwa uwu ndi “kupatulanya mupumulo.” Ilo ndi fumbo likuru pakati pa ūakugomezga dazi la Mupumulo muhanyauno. Ndipo ine nkhumuchemani imwe mose kuti mwize ku wa pa Sabata mlenji. Pakuti, unenesko ndi vichi, pa Chisulo panji pa Sabata, kuŵa la chisopo? Kasi Baibolo likuyowoya vichi za ichi? Ndipo ntheura pamanyuma, kwali a. . . Buku ili likupatulanya dango na uchizi, ndipo Ili likukhazikiska chirichose pa malo ghake. Ŵahebere ūakalereka na dango, ndipo Paulos wakaŵaphaliranga iwo icho uchizi ukachita, na dango.

²¹⁹ Sono, tiyeni titore waka pakuyambira pachoko sono. Ise tiyambirenge kumanyuma.

²²⁰ Apo tikurutirira, ine ndiri kujigulira magalasi ghakuŵazgira. Panyake ine ningamanya. . . Usange mbwenu kwachitika kuti napanga a-nalaŵiska mwaujira usiku uwu, ine ndiri nagho igho. Imwe mukumanya ine ndine vyose. . . Ine nkupereŵera waka virimika viŵiri kuti ndifike virimika fifite vyakubabika, ndipo ine ntha nkhaluwâska ngati ndiumo ine nkachitiranga kale, pafupi na ine. Para kulaŵiska kwane. . . Ine nayamba kuwona kuti vilembo vikuyamba kuleka kuwoneka makora, ine nkaghaganaghana kuti nkhayambanga uchiburumutira. Ine nkharuta kukapimika. Dokotala wakati, “Yayi. Iwe wajumpha waka fote, mnyamata.” Enya, iyo wakati, usange ine nikhalenge umoyo kufika ku uchekuru chomene, uku panyake kungamanya kuwererapo, kuŵaso na kulaŵiskira pafupi kula kamozaso. Iyo wakati, “Sono, iwe ungamanya kuŵazga Baibolo lako usange iwe ukulisezgera patali na iwe?”

²²¹ Ine nkhati, “Enya.”

²²² Wakati, “Para pajumpha kanyengo, woko lako ntha lizamkuŵa litali mwakukwanira.”

²²³ Ndipo ntheura ine—ine nkugomezga sono, mu kuŵazga uku, kuti ine. . . Baibolo lichoko ili la Collins liri na sayizi-yiweme ya vilembo mu ili. Ine nkhumanya kuŵazga makora waka. Kweni para ise tafika mu ghakuru, malo ghakuzama uko ise tikwenera kuti titore Chipangano Chiphya na Chakale, na kumangilira pamoza. Ine ndiri na lichoko la Scofield. Ndipo

ine ndiri kuzgôwera Baibolo la Scofield, vilembo vyake. Ine ntha nkhuwazga manotisi gha Scofield sono, chifukwa ine nkuzomerezgana nayo yayi Scofield pa zake zinandi za-fundo zake. Kweni ine—ine nkutemwa umo liri kulembekera, chifukwa ili ndi... Ine ndiri kuwa nalo ili kwa nyengo yitali, ndipo ndiri kuwazga ili, ndipo chomene nkhanira, mpaka ine nkhumanya umo ine ningasangira chisambizgo chane.

²²⁴ Ichi chose ndi chiphya kwa ine, cha kusambizga, ndipo ine ndine musambizgi viwi yayi. Kweni, imwe muzizipizge nane pa kanyengo kachoko, ine ndimuphalireninge Unenesko umo ine nkhumanya Ichi, munthowa yiriyose.

²²⁵ Sono, Buku ili ndi Paulos, imwe mukukumbukira, iyo wakawa... Kasi ise tikamusanga uli iyo? Iyo wakawa musambizgi mukuru, kuyamba na kuyamba, panji nkwantha mukuru. Ndipo iyo wakasambizgika mu Chipangano Chakale. Kasi munyake wanganiphalira ine sono uyo ise tikasanga kuti wakawa musambizgi wake? [Gulu likuti, "Gamaliel."—Munozgil] Gamaliel, yumoza wa wasambizgi wakumanyikwa wa nyengo yira.

²²⁶ Ndipo ntheura Paulos, ise tikusanga kuti, dazi limoza... Pambere iyo wandachemeke kuwa Paulos, kasi munyake wanganiphalira ine kasi zina lake wakawa njani? [Gulu likuti, "Sauli."—Munozgil] Ndipo iyo wakawa wamazaza ghakuru mu Yerusalem, mazaza gha usopisopi. Ndipo iyo wakakura ngati a—ngati wakusambizgika makora, munthu musopisopi. Iyo wakamanyanga kuyowoya viyowoyeroyi vinayi panji vinkhonde vyakupambanapambana, ndipo munthu wakuchenjera chomene. Enya, kasi masambiro na kuchenjera kwake vikamovwira iyo? Yayi. Iyo wakayowoya kuti iyo wakayenera kuti waruve vyose ivyo iyo wakamanya, mwakuti wamumanye Khristu.

²²⁷ Ntheura ise tikusanga kuti, pamanyuma, ichi ntha chikutorera munthu wakuchenjera panji munthu wakusambira. Chikutorera a—munthu uyo ngwakunozgeka kujikhizga iyomwene panthazi pa Chiuta, kwambura kupwerera za umo waliri.

²²⁸ Kasi imwe mukamanyanga kuti Dwight Moody wakawa—wakawa wambura kusambira kufikira kuti, mu unenesko, vyakulemba vyake vikawa viheni chomene umo ine nkhumanya yayi kasi. Iwo wakachitanga kunozga mauthenga ghake, nyengo zose. Iyo—iyo wakawa mujira chomene kulemba, wambura kusambira mwakukwanira.

²²⁹ Kasi imwe mukamanyanga kuti Petros na Yohane, wa mu Baibolo, wakawa waburutu chomene mpaka iwo wakatondekanga nanga nkulemba mazina ghawo, ndipo wakamanya yayi ili likawa kunthazi kwawo? Mupostoli Petros, uyo wakawa na makiyi gha ku Ufumu, wakamanyanga yayi kuti

zina lake likalembeka panthazi pake. Ghanaghanani za ichi. Baibolo likayowoya, kuti, "Iyo wakawâ burutu na wambura kusambira." Ntheura, icho chikundipasa ine mwaŵi. Amen. Enya, bwana. Ichô chikurutilira nkhanira chikukhira, kusanga kuti Chiuta wakamanya kuchita icho kwa munthu.

²³⁰ Sono, ndipo ise tikusanga kuti, para Paulos wakati waŵa waka na chakumuchitikira chikuru... Ine nkhukhumba kuti nimufumbeni imwe. Kasi ndi chakukuchitikira kuti wize kwa Khristu? Kasi waliyose wakuŵa na chakumuchitikira? Enya, bwana. Enya, bwana. Ndi Kubabika. Ndi chakukuchitikira. Ndipo ntheura ise tikaŵa mu Koleji ya Lutheran, ntha kale chomene...

²³¹ Ine nanguŵa na mwaŵi kumuhanaya uku, mwakuchedwa, nanguyenera kuŵa kula pa thweluvu koloko, ku chakurya na—na Tom Haire. Kasi mbalinga ūakapulikapo za iyo, wakutchuka, mu Irish, chinkhara cha lurombo? Ndipo iyo wakawâ na M'bale Epp uyu, pa ndondomeko yake, ndipo wakawoneka kuno mu malo ghanandi mu America. Ndipo ine nanguŵa na chakurya na iyo muhanyauno. Ndipo ise tanguŵa... Ine nanguchedwa waka na pafupifupi maora ghatatu. Yanguŵa pafupifupi firisseate, kota tu foru, para ise taryanga. Kwени chikawâ makora waka. Ndipo ise takambirananga pa vinthu ivi, za umo kuti Yesu Khristu ndi Mutu wa vinthu vyose.

²³² Sono, para Paulos wakati wachisanga ichi, iyo wakawâ na chakumuchitikira ichi. Ndipo ntheura pambere iyo wakawâ wandachizomere chakumuchitikira ichi, ichi chikwenera kuti chikawako mu Baibolo. Ndipo ise tikusanga kuti iyo—kuti iyo wakafumako ndipo wakaruta mu charu chinyake, ndipo kula iyo wakakhalako virimika vitatu, kusandanga Malemba, kuti wawone usange chakumuchitikira chake chikawâ chaunenesko.

²³³ Sono, ise tikuwona kuti iyo wakawâ na chinthu chikuru chakuti wakumane nacho. Iyo wakayenera kuti wawereko na kuphalira mpingo wake, wânthu wose, vinthu vyenevira ivyo iyo wakazikizga kuti vikaŵa vyauenesko.

²³⁴ Kasi imwe mukachita chinyake ngati icho? Nadi, pafupifupi tose tikachita, tikenera kuti tiwerere na kuti, "Wânthu wâra awo ise tikacheme 'watuŵa ūakunkhuruka,' tikasanga kuti, iwo ūakawâ wâneneska." Mukuwona? Ndicho ichi. Ise tikayenera kung'anamuka waka. Ndipo vinthu ivyo kale tikavitinkha, ise sono tikuviitemwa. Ndi kuphenduka, chinthu chachilendo, chakuzukumiska.

²³⁵ Sono, ine nanguyowoya mazgu agho, gha "mutuŵa wakukunkhuruka." Kulije chinthu chantheura. Kulije chinthu chantheura. Kwêni, iwo ūakuŵachema wânthu icho, wânthu wautuŵa. Kwêni kulije watuŵa ūakunkhuruka. Kulije chinthu chantheura. Kulije mbiri ya mpingo unyake uwo ukalembeka ngati icho, umo ine nkhumanya

kuwonera, pa nayini handiredi na sikisite-chakuti, mpingo yakupambanapambana. Kulije mpingo wakumanyikwa ngati utuŵa wakukunkhuruka. Ili ndi waka-zina ilo devulu wakamatika pa Mpingo.

²³⁶ Kweni iwo wakuwachema iwo, mu nyengo yira... Kasi mbalinga wakumanya icho iwo wakuwachema iwo mu nyengo ya Paulos? Watimbanizgi. Imwe mukumanya kasi *utimbanizgi* chikung'anamura vichi? "Kuzerezeka." Ndi wantru wakazerezeka. Ntheura, ine mwasonosono nichemekenge "mutuŵa wakukunkhuruka" ngati "wakutimbanizga." Muchitenge yayi imwe? Ntheura usange iwo-usange iwo wakachemeka icho, ndipo wakasekerera!

Ndipo kasi Yesu wakayowoya vichi chakuti ise tichite na ichi? Iyo wakati, "Sekererani, ndipo kondwerani chomene; pakuti njikuru njombe yinu Kuchanya, pakuti mwitheuraso wakazikizga waprofeti kumanyuma kwinu." Iwo wakachita ichi.

²³⁷ Wakayowoya kuti, "Muŵe wakukondwa chomene." Chirichose *chakujumphizga* ndi "chakukwezgeka muchanya chomene," kukondwa kwakufikapo. Ndipo wasambiri, para iwo wakati wasangika wakwenerera kuti wazizipizge kunyozeka kwa Zina la Yesu, iwo wakasekerera na chimwemwe chikuru kuti iwo wakamanya kuzizipizga kunyozeka kwa Zina Lake.

²³⁸ Ndipo muhanyauno, wantru wanandi muhanyauno, usange kungachitika kuti wawacheme iwo mutuŵa wakukunkhuruka, iwo mbwenu wakhumudwenge, "Mwe! Panyake ine nangunangiska, kuyamba na kuyamba."

Kweni iwo wakakondwa na ichi, "O, mwe, kuti muzzipizge Zina!"

²³⁹ Ndipo sono, mu virimika handiredi vyachiŵiri, iwo wakawachema iwo *wamphnjikamisana*. Apo ndi penepapo Wakhristu wakanyamuranga mphinjika pa msana wawo, kuwoneska kuti iwo wakapayikika pamoza na Khristu. Iwo wakuwachema iwo *wamphnjikamisana*. Sono ine nkhumanya Wakatolika wakujichema iwoŵene icho, kweni ula ukawa mpingo wa Katolika yayi. Ukaŵa mpingo wa Protestant pambere uwu undachemeke kuŵa mpingo wa Protestant. Uwu ukasuska chinyake yayi kweni kwananga. Chifukwa icho uwu ukuchemekera mpingo wa Protestant muhanyauno ndi chifukwa chakuti ukasuska a-chisambizgo cha Katolika. Kweni uwu ndi... Uwu, uchali, uwu ukalamulikanga na munyake yayi nyengo yira, para iwo wakachemekanga *wamphnjikamsana*.

²⁴⁰ Torani waka mdauko wa Josephus na walembi wanyake, na wa Babulone Waŵiri wa Hislop, na wanyake ntheura, ndipo imwe musangenge kuti uwo ndi unenesko, kuti iwo nthu wakaŵa mpingo. Mpingo wakudankha kuŵa bungwe, uwo ukaŵako, ukaŵa mpingo wa Katolika, pafupifupi virimika

firii handiredi, pa nyengo ya—ya wāpostoli wāumaliro. Pakati pajumpha pafupifupi virimika firii handiredi, mpingo wa Katolika ukaŵa bungwe. Ndipo kuzikizgika kukayambika, ndipo kukachichizgira wānthu kunjira mpingo wa Katolika, ndipo iwo wākawā na mpingo na boma, vyakukoleranako.

²⁴¹ Apa pakawā pamanyuma pa, icho chikachemeka, kuperenduka kwa Constantine, kufuma ku uchikunja kufika ku Chikatolika. Kweni, usange munyake wakaŵazgapo mudauko wake, iyo wakaphenduka yayi, vinthu ivyo iyo wakachita. O, mwe! Chinthu chimoza pera iyo wakachitapo chausopisopi chikawā chakuti wakaŵika mphinjika pa mpingo wa Sophia Mutuŵa. Icho ndi chinthu chekha pera iyo wakachitapo, wakachita ngati chausopisopi. Iyo wakaŵa a—wakutayika. Kweni iwo wākuchema ichi kwake—kuperenduka kwake. Pafupifupi chikulingana waka na kuperenduka kunyake kwantheura muhanyauno.

²⁴² Sono, kweni, ise tikusanga kuti, para Paulos wakati waphenduka ndipo wakaŵa na chakumuchitikira cheneko ichi, iyo wakang'anamuka mwakufikapo nadi.

Ndipo, imwe mukumanya, *kuperenduka chikung'anamura* “kung'anamuka.” Iwe ukuruta kudera *uku*, ndipo iwe ukung'anamuka ndipo ukuyamba kuwerera kumanyuma kudera *uku*. Enya, bwana. ndi kung'anamuka, kutembenura.

²⁴³ Ndipo Paulos, para iyo wakati waphenduka waka, pambere iyo wakaŵa wandayowoye chakumuchitikira chake... Sono, iyo wakaŵa na chakumuchitikira chakuzukumiska.

Sono, ine nkugomezga, para iwe wamuzomera Khristu, ngati Muponoski wako wamwene, ichi ndi chakukuchitikira. Ine nkugomezga, chimwemwe cha kumanya kuti kwananga kwako kwagowokereka, chikukondwerska waka mtima wako, kurutirira na kurutirira.

²⁴⁴ Kweni pamanyuma para Mzimu Mutuŵa wakutumbikika wafika, icho ndi chakukuchitikira, uko ndi Kubabika kuphya, icho iwe uzamuruwa yayi. Iwe ukuzgoka kuŵa Mwana wa Chiuta. Ndipo apa pali icho chikuchita ichi...

“Kasi iwe ukumanya uli ichi, M’bale Branham?”

²⁴⁵ Sono, ivi ndi visambizgo vyakusambizga. Wānthu wānandi, wā Methodist, wākuyezga kuyowoya kuti, “Iwo wakachemerezga para iwo wākapokera Uwu.” Enya, icho chiri makora. Usange iwe ukapokera Uwu, ndipo ukachemerezga, ntchiweme. Pakuti iwe ukachemerezga, nthā chikawā chimanyikwiro chakuti iwe ukapokera Uwu, chifukwa wānandi wakachemerezga ndipo wākawā nawo yayi Uwu.

²⁴⁶ Wapentekosite wākati, “Iwo wākayowoya malilime. Iwo wākapokera Uwu.” Ichō ntchiweme. Usange iwe ukayowoya malilime, ndipo ukapokera Uwu, viri makora. Kweni iwe

ungamanya kuyowoya malilime ndipo kweni nthā kuwā nawo Uwu. Ndi nttheura?

²⁴⁷ Nttheura, imwe wonani, nakwenenako, ndi chakukuchitikira cha kujumpha kufuma ku nyifwa kufika ku Umoyo; para vinthu vyose vyakale vyafwa, ndipo vinthu vyose vyazgoka viphya. Khristu wakuwā wanadinadi. Vinthu vyakale vikumbotoka, misisi yakale ya vyacharu. Imwe mukumanya umo mungajimira msisi wose? Ise tikatemwanga kutora jembe lakukhora na kujima waka pasi ku uwu, na kujima uwu mpaka pakaŵavaye wakukhalira mu uwu. Ndipo iwo wākati, "Usange mungaŵa msisi uliwose wa nkhabza ukuphuka mwa iwe, fumiskamo uwu." Uwo mbunenesko. Ndipo icho ndicho Mzimu Mutuŵa wakuchita, wakuzgura misisi yose. Kujima kufumiskamo iyi. Kuwunjika iyi; kuwotcha iyi. Fumiskanimo iyi. Imwe mukusanga m'mera uweme pamanyuma, usange ise tikuchita icho.

²⁴⁸ Sono, Paulos wakamanya kuti chinyake chikachitika, nttheura iyo wakuruta mu Arabia, ndipo kula iyo wakusambira virimika vitatu za wāprofeti wose wā Chipangano Chākale, umo iwo wākachimira. Ndipo iyo wakufika pa kusanga kuti Uwu ukaŵa Unenesko wakufikapo.

²⁴⁹ Sono, linganizgani icho na muhanyauno, wonani, pa chakutichitikira ichi icho ise tanguwā nacho kuno pa mpingo uchoko uwu: cha Nyenyezi ya Mlenji kuwonekeranga kutali, Kuŵara kukuru kula uko kwangukhira, icho chikamanya kurosksra na kuwoneska vinthu ivyo vichitikenge. Imwe mukumanya, icho ntchakuzukumiska. Kweni m'bale wane mupharazgi wanguniphalira ine kuti changuwā cha devulu. Ndipo ine—ine nkhapulikiska yayi ichi.

²⁵⁰ Nttheura, ine nkhayowoya kalikose yayi za ichi kufikira usiku umoza, kukaŵa chakundichitikira chikachitika kumtunda ku Chigayo cha Green, Indiana, para Mungelo wa Fumu wakayenda pasi ndipo wakayimilira apo, ndipo wakasimikizgira ichi mwa Lemba. Nttheura ichi chikabuska moto. Pamanyuma ichi chikayamba kuruta.

²⁵¹ Ndipo pakaŵa waka pa Sabata yamara, ise tikawona vimanyikwiro vyambura kutondeka vya Yesu Khristu, Uyo wangamanya kutora munthu uyo wakendapo yayi, ndipo nthā... Msempha ukuru wa ku mongo ukafwa, penepapo wā Mayo na madokotala ghapachanya chomene ghakati, "Kwamara, muyirayira." Ndipo chikhaliire wachiburumutira; wakanyamuka ndipo wakayenda kuruta kuwaro kwa nyumba, wakukankha mpando wake wakuchita kutchika wakukhira masitepu, wakamanya kuyenda na kulaŵiska ngati munyake waliyose. Icho chikuwoneska kuti ndi nkongono ya Fumu Yesu wakuwuskika. Icho chiri apa. Iyo ndi mweneyura mayiro, muhanyauno, na muyirayira.

²⁵² Ntheura kasi ndise gulu lakukondwa yayi usiku uwu, kumanya kuti Chiuta wakhozgera chakutichitikira chikuru ichi icho ise tiri nacho, kuti chilinganizgike na Baibolo Lake na mapangano? Ipo ise tikwenera kuŵa wakukondwa chomene. Ndipo ise tikuwona pamanyuma, kuti mu chipatulo 2, ise tikusanga kuti, “Ise tingazomerezganga yayi vinthu ivi... Ise tingazerezganga yayi vinthu ivi.” Ise tikwenera kuti tikoreske vinthu ivyo.

Ndipo kasi ise tiphokwenge uli, usange ise tikuzerezga chiponosko chikuru chantheura; . . .

²⁵³ Kasi ise tichitenge vichi, mu kuŵara kwa Mazgu gha Chiuta, para ise tikuyimilira pa Mpando wa Cheruzgo? Imwe mungayowoya yayi, “Ine nkhamanya yayi kuti pali mphambano.” O, enya, iwe ukamanya. “Enya, sono, M’bale Branham panyake wakanangiska.” Uwo mbunenesko. Kweni Chiuta wakunangiska yayi. Mazgu Ghake ghakunangiska yayi. Ndipo ghanaghanani waka, za chinthu chenechira, Baibolo, awo kale wâkawâkoko mu nyengo ya wâpostoli, mbamoyo kamozaso. O, litumbikike Zina la Fumu!

²⁵⁴ Para ine nkughanaghana kuti ine ndiri na virimika foteeyiti vyakubabika, kusendereranga ku fifite, ndipo mazuŵa ghane gha uchinyamata ghamara, na vinyake ntheura; kumanya kuti kufumira apo nkhaŵa mnyamata muchoko kuti ine nkhaŵa na Phangano lakutumbikika ili, ndipo ndiri kulengeza Ichi ku wâbale wane na wâlongosi; ndipo kuwona masauzandi gha iwo weneawo wâli kwiza kufuma ku mdima, kumanya kuti ise tikuruta ku Nyumba yithu ya Muyirayira, ku wakutumbikika. “Ndipo usange msasa uwu wa pa charu chapasi wapankhuka,” pambere ine nindamalizge kupharazga, “waliko yumoza wakutilindilira ise kula.” Aleluya! Kumanya kuti kuli madazenî gha wantru wâkhala muno, kuti, usange iwo wângauléka umoyo uwu sono nthena, pambere ise tingamanya kutorera thupi lawo ku mocharé, iwo wâwenge mu thupi lauchindami lira kula, kusekereranga na wâtuŵa wâ Chiuta, wâli kale mu Kuŵapo kwa Chiuta, kukakhala umoyo muyirayira. Na kwakufikapô, kukhozgerekâ kweneko kuti ichi chiri ntheura! Amen.

²⁵⁵ O, icho mbwenu chipangenge wa Prezibetere kuchemerezga! Chikachita pa Sabata, chikachita yayi ichi? Wantru wâra wâkawâwa wâ Prezibetere. Nadi wâkachita, kughanaghana ntheura. O, ntchambura kuziziswa wantru wâkufika pa kujijirika! Chifukwa, usange iwe ukufika pa kujijirika kufumira pa kutimbanga bora panji kuponyanga limoza mu basiketi, kasi ichi chimupangeninge kujijirika chomene uli imwe kumanya kuti imwe mwajumpha kufuma ku nyifwa mwafika ku Umoyo, kuti imwe ndimwe Chilengiwa chiphya mwa Khristu! Imwe mukumanya ichi umo mzimu winu ukumurongozgerani imwe kutali na nkhaza, na kunyenga, na urwani, na vinthu vyose vya charu. Ndipo mtima winu ukukhazikika pa Khristu. Uko ndiko

kukhumba kwinu. Ndicho chekha imwe mukughanaghana mu malingaliro ghinu, pa mtima winu, muhanya wose na usiku. Para imwe mukuruta kukagona usiku, na kuwika mawoko ghinu kumanyuma kwinu, ngati *ntheura*, na kugona waka apo na kumurumba Iyo mpaka imwe mukugona tulo. Mukuwuka, na mlenji, muchali kumurumba Iyo. Amen. O, mwe!

²⁵⁶ Ine ndiri kuyezga kumurumba Iyo. Na mlenji, ise takhala tikuwuka pafupifupi foru koloko, M'bale Wood na ine, kurutanga kuwaro kucherera mlenji, kuruta kukazengera ñabenga. Ine nkhumurumba Iyo musi mwa khuni lirilose, ine nkugomezga, ine ndiri kufikapo. Ine ningaliwona yayi khuni, kwambura kumurumba Iyo. Ghanaghanani, Iyo wakapanda khuni lira. Kuwona mphazi yilara pachoko yikuduka; Iyo wakuyimanya mphazi yira. "O," imwe mukuti, "kupusa, M'bale Bill." O, yayi, ndi ntheura yayi. Iyo wakumanya uko kuli benga waloyose. Iyo wakumanya uko kuli buraula waloyose.

²⁵⁷ Chifukwa, pa nyengo yimoza, Iyo wakakhumbanga ndalamu, ndipo Iyo wakati, "Petros, pakaŵa somba, kanyengo kajumpha, yikamiza kopala, lakukwanira waka, zinandi umo ise tikasowekeranga. Chiuta wakaponya mbeja mwenemula. Ine nimutumenge iyo kudera kula. Ukatore kopala lira mu mlomo wake, chifukwa iyi yigwiriskenge ntchito yayi ili, iyoyene. Ruta ukamulipire iyo chakhumi chithu na msonkho." Amen.

²⁵⁸ Ndipo masabata ghachoko ghajumpha, ine nkhawona kasomba kachoko kakakomeka, kakayenjamanga pa maji. Imwe mose mukapulika za nkhani iyi. Apo pali M'bale Wood, na m'bale wake na iwo muno cuti ñachitire ukaboni ichi. Kasomba kachoko kala chigonere kakufwa hafu wa ora, pa maji, na matumbo ghake ghakafumira kuwaro kwa mlomo wake. Ndipo Mzimu Mutuŵa mukuru wakakhira pasi, pamanyuma pakuti Iyo wakati wayowoya, mayiro, "Iwe uwonenge chiwuka cha kanyama kachoko." Ndipo mlenji wakurondezgako pafupifupi, zuŵa likati lakwera pachoko, ise tikawona kasomba kachoko kala, ntha katali kujumpha *ntheura*. Para Mzimu wa Fumu ukati wakhira, ndipo ukati, "Kasomba kachoko, Yesu Khristu wakukupanga iwe wamusuma." Ndipo kasomba kachoko kala, kakakhala kakuyenjama pa maji pafupifupi hafu wa ora, kakawereraso ku umoyo ndipo kakaskamba kakaruta mwankhongono waka umo kakamanya kuchitira. O, litumbikike Zina la Fumu. Umo Iyo waliri wakuziziswa!

²⁵⁹ Ntchambura kuziziswa Paulos wakamanyanga kuyowoya, cuti, "Iyo wakaŵa mu dongosolo la Melekizedeki." Iyo wakaŵa Melekizedeki. "Melekizedeki wakaŵavye chiyambi cha mazuŵa. Iyo wakaŵavye umaliro wa virimika. Iyo wakaŵavye chiyambi cha umoyo panji umaliro wa umoyo. Iyo wakaŵavye dada nesi mama." Ntheura, Iyo nthena wakaŵa munyake yayi. Chirichose Iyo wakaŵa, Iyo ndi wamoyo ndithu usiku uwu. Ntheura, kuli

mtundu umoza pera wa Umoyo Wamuyirayira, ndipo uwo ngwa Chiuta.

²⁶⁰ Usiku wamara para ise tikaŵanga na vidumbirano, m'bale wakatondekanga kupulikiska utatu wa Chiuta, na umo ise tikayowoyeranga za ichi. Umo kuti Yesu wakayimilira kula, Munthu, wa virimika pafupifupi sate vyakubabika. Ndipo Iyo wakati . . .

Iwo ūwakati, “O, ūwadada ūwithu ūwakarya mana mu mapopa.”

²⁶¹ Iyo wakati, “Ndipo iwo ūwali, waliyose, wali kufwa.” Kweni Iyo wakati, “Ine ndine Chingwa chira cha Umoyo icho chafika kufuma kwa Chiuta Kuchanya, icho munthu wakurya ndipo wakufwa yayi.”

²⁶² “O,” iwo ūwakati, “ūwadada ūwithu ūwakamwa kufuma mu Jarawe mu mapopa.”

²⁶³ Iyo wakati, “Ine ndine Jarawe Lira.” Munthu wa virimika sate vyakubabika. Wakati, “Abraham wakasekerera kuwona dazi Lane.”

²⁶⁴ “Chifukwa,” wakati, “sono Iwe ukung’anamura kuniphalira ine kuti Iwe ndiwe nthanga ya Abraham, ndipo Iwe ntha wafika nanga ndi virimika fifite vyakubabika, ndipo ukung’anamura kuyowoya kuti Iwe uli kumuwona Abraham uyo wakafwa virimika eyiti handiredi vyajumpha? Ise tamanya sono kuti Iwe uli na chiŵanda. Iwe wazerezeka.” Ichō ndicho . . . Ichō ndicho chiŵanda *chikung’anamura*, “munthu wakuzerezeka.” Wakati, “Iwe uli na chiŵanda, ndipo Iwe ndiwe wakufuntha.”

²⁶⁵ Iyo wakati, “Pambere Abraham wandaŵeko, INE NDINE.”

²⁶⁶ Ichō Ndicho Iyo wakawā. Iyo wakawā waka munthu wamba yayi, nesi Iyo wakawā muprefeti. Iyo wakawā Chiuta, Chiuta kukhalanga pa charu chapasi mu thupi la munofu lakuchemeka “Yesu,” a—Mwana wa Chiuta mu thupi. Ndi ndendende Cheneicho Iyo wakawā.

²⁶⁷ Sono, ise tikumusanga Iyo kudera uku, kuti mu chigawā chaumaliro sono, cha kujara kwa chipatulo 2, cheneicho ine nakhumbanga kuti nifikeko, kuyambira na vesi 16, panji vesi 15.

Ndipo wakawāthaska iwo . . . kwizira mu wofi wa nyifwa—wa nyifwa awo pa umoyo wawo wose ūwakawā wazga.

Ichō ndicho iyo wakayowoya kuti Yesu wakachita, kuti Iyo wakiza kuzakaŵathaska iwo ku uzga, awo ūwakawā mu wofi wa nyifwa umoyo wawo wose.

²⁶⁸ Sono palije chifukwa cha kuwopera nyifwa. Sono, nkhumanya, ise tikuchita; ise, palije wa ise wakukhumba, ichō ise tikuchema, *kufwa*. Kweni kasi imwe mukumanya kuti usange munthu wababikaso iyo wangafwa yayi? Kasi iyo wangaŵa uli na Umoyo Wamuyirayira ndipo pamanyuma

kufwa? Iyo wangachita yayi ichi. Chinthu chekha pera icho nyifwa, lizgu lakuti *nyifwa*, likung'anamura "kupatukana." Sono iyo wapatukengepo pa kuwoneka na jiso lithu. Kweni iyo nyengo zose wali mu Kuwapo kwa Chiuta, ndipo nyengo zose wazamkuwa. Ntheura, nyifwa ndi chinthu chinonono yayi. Nyifwa ndi chinthu chauchindami. Nyifwa ndiyo yikutitorera ise mu Kuwapo kwa Chiuta.

²⁶⁹ Kweni sono, nkhumanya, ise, pakuwa wantru, tikwenda mu mizgezge iyi ya mdima kuno, ise—ise tikupulikiska yayi ichi umo ise tikwenera kuchitira. Ndipo, nkhumanya, para vidya vya nyifwa vyafika, ichi chikupangiska mutuwā chomene wa ise kuchita wofi na kuwerera kumanyuma. Iyi yikapangiska Mwana wa Chiuta kuyowoya kuti, "Uli nkhombo iyi yinijumpphilire?" Ndi chinthu chakofya. Kupulikiska mwaujira yayi ichi. Chifukwa ise... Ndi chilango cha kwananga, ndicho nyifwa yiri, ndipo iyi yikwenera kuwa yakofya.

Kweni usange ise tingalaŵiska waka kuseri kwa chakutchinga, patali, kula ndiko ichi chir. Yitumbikike Fumu! Kuseri waka kwa chakutchinga, kula ndiko munthu wakukhumba kuti walawiske usiku uwu. Anna Mae Snelling muchoko na iwo walawiske wakatemwanga kuyimba sumu kuno, "Fumu, Ndizomerezgeni Ine Ndilawiske Kujumpha Chakutchinga cha Nyengo." Waliyose wakukhumba kuti walawiske icho.

²⁷⁰ Sono, sono ise tiri apa, mu vesi 16. "Pakuti nadi Iyo wakatora..."

Pakuti nadi iyo ntha wakatorera pa iyo, pa iyo kaŵiro ka wangelo; kweni iyo wakatorera pa iyo mbewu ya Abraham.

²⁷¹ O, ise tikukhumba kuti tikoreske ku icho kamozaso sono. Sono ise tikukhira nkhanira kuti tisange... Chifukwa, chigaŵa chakudankha cha chipatulo 3 ichi, chigâwa chaumaliro cha ichi, chikumangilirana pa "dazi lira la mupumulo," wa pa Sabata yikwiza iyi.

²⁷² Sono wonani.

...*iyo ntha wakatora...kaŵiro ka wangelo;...*

Sono, ndinjani "Iyo," uyo iyo wakuyowoya? Khrsitu. Kasi Khristu ndinjani? Chiuta, Logos la Chiuta.

²⁷³ Sono rekani ine nirongosreso ichi kamozaso, mwakuti imwe mupulikiske. Chiuta ndi Wachiuta watatu yayi. Utatu wa Chiuta ndi Yumoza. Dada, Mwana, Mzimu Mutuwā, ntha chikung'anamura kuti kuli Wachiuta watatu walupambanapambana. Usange ichi chiriko, ise mbwenu tiwenge wachikunja. Ndicho chifukwa Wayuda wangapulikiska yayi. Ntha chikasambizgikapo mu Baibolo. Sono, ichi chikusambizgika mu mpingo wa Katolika, enya, kula ndiko ubapatizo wa mu utatu ukafumira.

²⁷⁴ Mu Africa iwo ūakumubapatizani imwe katatu kurazga chisko kunthazi: kamoza kwa Chiuta Dada; kamoza kwa Chiuta Mwana; kamoza kwa Chiuta Mzimu Mutuwâ. Sono, uko ndi kunangiska. Mulije visambizgo vyantheura icho mu Baibolo. Mukuwona?

²⁷⁵ Ndipo sono, icho ndi—icho ndicho iwo ūakasambizga. Ichi chikakhira kufika mwa Lutera; kufuma mwa Lutera, chikanjira mwa Wesley; chikarutirira chikunjira mu miwiro apo ichi chikurutiriranga munthazi. Kweni ichi nthia chikâwa chisambizgo cha Baibolo. Ichi nyengo zose chiri kuwa chakwanangika, kufumira apo ichi chikayambira.

²⁷⁶ Sono, ntheura, Chiuta wakâwako mu mtendeko. Pambere kundaŵeko kuwara kulikose, pambere kandaŵeko nanga ndi kadikidiki, pambere yindâweko nyenyezi, pambere chindaŵeko chinthu chirichose chakuwoneka, Chiuta wakazura malo ghose. Ndipo mu Icho mukâwa chinyake yayi kweni utuŵa: chitemwa cheneko, utuŵa weneko, urunji weneko. Ukaŵa Mzimu. Iyo wakazura malo ghose kufuma ku Umuyaya kose, uko ise tingapima yayi Ichi. Ichi chikuruska chirichose ise tingamanya kulingalira.

²⁷⁷ Ngati kulaŵiskira mu galasi lira, ise tingamanya kuwona a—virimika handiredi miliyoni na chakuti vya malo gha kuwara. Ghanaghanani za ichi. Virimika handiredi miliyoni vya malo gha kuwara. Ndipo kuwara—kuwara kukwenda pafupifupi makilomita 12,800 pa sekondi. Ndipo virimika handiredi na miliyoni vya malo gha kuwara... Ghanaghanani waka kasi mamiliyoni gha makilomita għawwengħe ghalinga. Imwe nthia mungamanya nanga nkhuŵerengera ichi. Imwe mungamanya kutora waka mundandanda wa manayini na kwenda nawo uwu kuzingilira Jeffersonville, ndipo kweni imwe mungamanya yayi kugaŵa uwu mu makikomita na makilomita. Ghanaghanani za ichi. Ndipo kuseri kwa icho kuli nyenyezi na mapulaneti. Ndipo Chiuta, pambere chimoza cha ivi chindaŵeko, Iyo wakâwako. Mukuwona?

²⁷⁸ Ndipo sono Logos ilo likafuma mwa Chiuta, cheneicho likâwa a—Logos, chose ichi chikayamba kupanga a—kawonekero ka thupi. Ndipo kawonekero aka ka thupi kakachemeka, mu chisambizgo cha nkhwantha, Logos, Logos ilo likafuma mwa Chiuta. Mu mazgu ghanyake, a—lizgu liwemiko la ichi, likâwa icho ise tikuchema thupi lauzimu. (Thupi lauzimu ndi thupi la munthu ilo ndakuchindamikika.) Ntha ndendende la munofu na ndopa ngati ndiumo ili lizamuŵira mu siteji yake ya thupi lakuchindamikika, kweni ili ndi kawonekero ka thupi la munthu ilo likurya yayi, nesi ili likumwa, kweni ili ndi—ili ndi thupi, thupi ilo likutilindilira ise para ise tikufumamo waka mu ili. Sono, mkati mula, ise tikunjira mu thupi lira. Ndipo lira ndi mtundu wa thupi ilo Chiuta wakâwa, pakuti Iyo wakati, “Tiyeni

tilenge munthu mu chikozgo chithu na mu chilinganizgo chithu taŵene.”

²⁷⁹ Sono, para munthu wakati wazgoka kuŵa mu thupi lira, iyo wakaŵa na ulamuliro pa somba zose, na viyuni, na—vikoko vyā muthengere. “Ndipo ntheura kukaŵavye munthu wakuti walime dongo,” Genesis 2. Iyo wakalenga mwanarumi na mwanakazi, kweni kukaŵavye munthu kuti walime dongo.

Ntheura Chiuta wakapanga munthu kufuma ku dongo la charu. Iyo wakamupa iyo woko ngati a—ngati la jendayekha. Iyo wakamupa iyo chikandiro ngati cha nkaramira. Iyo wakamupa iyo, Iyo wakamuwumba iyo, ngati chikozgo. Ndipo thupi ili la pacharu chapasi liri mu chikozgo cha umoyo wa chinyama, ndipo liri kupangika kufuma ku mtundu weneula wa vyakupangira. Thupi linu liri kupangika mwakuyana waka na mtundu weneula wa vyakupangira umo waliri kavalo, panji ntcheŵe, panji chinyake chirichose ngati icho. Ili liri kupangika kufuma ku kasiyamu, potashi, mafuta, kuŵara kwa kozimiki. Imwe ntha ndimwe waka . . . Vinyama vyose ngati icho ntha ndi vinyama vyakuyana; ndi chinyama chakulekana, kweni ichi chiri kupangika kufuma ku dongo la charu uko ichi chikafumira.

Kweni, mphambano pakatikati pa chinyama na munthu, Chiuta wakaŵika uzima mwa munthu, ndipo Iyo ntha wakaŵika uwu mu chinyama. Chifukwa, uzima uwo ukaŵa mwa munthu ndi thupi lira lauzimu.

O, ine—ine, ine nifikengeko yayi ku a . . . chisambizgo ichi, kweni ine nkuyenera kuti nitore ichi.

²⁸⁰ Wonani. Kasi imwe mukukumbukira yayi para Petros wakaŵa mu gadi, ndipo Mungelo wa Fumu wakiza ndipo wakajura vijaro?

²⁸¹ Ise tikayendanga kujumpha ku supamariketi kunena uku, dazi linyake, ndipo chijaro chikajurika kunthazi kwithu. Ine nkhati, “Imwe mukumanya, Baibolo likâwa nacho icho pakudankha.” Mukuwona? Sono, kujurikanga, chijaro, ndi pa ichochekha.

²⁸² Ndipo para Petros wakati wafuma, kwendanga kujumpha pa ūlonda aŵa, iwo ūkachita uchiburumutira kwa iyo. Iyo wakajumpha mlonda wa mkiati, mlonda wa kuwaro, wakafuma wakanjira mu chibaraza, kuporopa chiliŵa, wakafuma wakanjira mu msewu. Ndipo palije wa iwo wakamanya kasi iyo wakaŵa njani. Ndipo ntha wakaŵikako zeru yiriyose. . . Iwo ūkaghanaghana kuti iyo wakaŵa mlonda munyake panji chinyake. Iwo . . . Iyo wakajumpha waka, ndipo chijaro chikajurika pa ichochekha, apo iyo wakafumanga kuwaro, ndipo chikajarika kumanyuma. Ndipo para iyo wakati wafika kuwaro kula, iyo wakaghanaghana kuti iyo wakaŵa na loto. Ndipo iyo wakaruta ku nyumba ya Yohane Marko, uko iwo ūkawâna ungano wa malurombo. Ndipo iyo wakakhung’uska . . .

[M'bale Branham wakutimba pa gome. Pa tepi palije kalikose—*Munozgi*]...kuti waŵe pakati pinu.

²⁸³ O, Iyo ndi wauchindami. Iyo ngwakuziziswa.

Sono, o, *iyo* ntha wakalengeka mu kawonekero *ka* mungelo. *kweni iyo wakatora...mbewu ya Abraham.* Chiuta wakazgoka *mbewu ya Abraham.*

²⁸⁴ Sono, usange ise tikaŵenge na nyengo, kuti tiwerere kumanyuma na kumuwoneskani umo Iyo wakachitira ichi mu Phangano! Imwe muli kundipulika ine nkupharazga pa ichi, nyengo zinandi, umo kuti iyo wakatorera vinyama vira ndipo wakadumura ivi mu vипитика, ndipo wakaponyamo nkhunda na njиwa mwenemula. Pamanyuma iyo wakalaŵiska, ndipo iyo wakawona josi pachoko, chakofya chifipa, nyifwa. Chakurondezgako, ng'anjo yakutoroka josi, gehena. Kweni, kujumpha icho, kukawoneka Kuŵara kutuŵa kchoko. Ndipo kutuŵa kuchoko kula kukayenda pakatikati pa chipitika chirichose cha sembe yakudumurika yira, kuwoneskanga icho Iyo wazamuchita. Ndipo Iyo wakatora chirapo, para Iyo wakati wachita chira, ndipo Iyo wakalemba Phangano, kuwoneskanga icho Iyo wazamuchita.

²⁸⁵ Ndipo Iyo, Yesu Khristu, wakiza ku charu chapasi; Chiuta, *Emmanuel*, “Chiuta mu thupi.” Ndipo pa Mphinjika, Iyo wakatwazurika mu vипитика. Ndipo Mzimu Wake ukizaso pa Mpingo. Ndipo thupi Lake likakwezgeka kuchanya ndipo likakhala pa Chizumbe cha Chiuta.

Chizumbe cha Chiuta! Mweneuyo wali pa Chizumbe ndi Mweruzgi. Ise tikumanya icho. Enya, kasi Cheruzgo chirinkhu? Ŵadada wali kundipa... Iyo wakweruzga munthu yayi. Kweni Ŵadada wali kuperekwa weruzgi wose ku Mwana. Ntheura Iyo ndiyo. Ndipo Umoyo Wake ndi Msifi Mukuru, wakhala kula na thupi Lake Yekha, ngati sembe, kuti waŵeyerere kuzomerezga kwananga kwithu. Amen. M'bale, icho chikuŵika chinyake mwa iwe.

²⁸⁶ Wonani, “Iyo wakatora Mbewu ya Abraham.” Iyo wakazgoka Munthu. Chiuta, wakazgoka thupi pakati pithu, kuti watiwombore ise. Mu mazgu ghanyake, Chiuta wakazgoka kwananga, mwakuti ise ŵakwananga tingamanya kuŵa gawo la Iyo. Ndipo para ise tikuŵa gawo la Iyo, ise tikuŵa gawo la Wake... Ise tikâwa ŵantru ŵa chigâwa cha nyengo, matwente ghatatu na khumi. Ndipo Chiuta wakakhira pasi ndipo wakazgoka yumoza wa ise, matwente ghatatu na khumi, ku nyengo Yake yakugaŵirika, mwakuti ise tingamanya kuŵa gawo la Umoyo Wake Wamuyirayira. Ndipo para ise tababikaso, ise ndise ŵana ŵanarumi na ŵana ŵanakazi ŵa Chiuta, ndipo tiri na Umoyo Wamuyirayira, ndipo tizamkuparanyika yayi.

O, kasi a—kasi a—ndi Muponoski wakutumbikika uli! O, kulije nthowa yakuti tingalemba ichi. Kulije nthowa yakuti

tingarongosora ichi. Ichi charuska waka pa kurongosora. Kulije munthu wangamanya kurongosora ukuru umo Ichi chiliri. "Umo Imwe muliri wakuru! Umo Imwe muliri wakuru!" ndi unenesko.

Mwantheura mu vinthu vyose chikamukakamizga iyo kuti walengeke ngati ndi wabale Wake, . . . (Ghanaghanani za icho). . . mwakuti iyo wangamanya kuwa msofi mukuru walusungu na wakugomezgeka mu vinthu nya kwa Chiuta, . . . (Tegherezgani ku ichi.) . . . kuti wapange mauphemaniski . . . kwananga kwa wantru.

Kuti waphemamiske, sono, Chiuta, pakumanyanga urunji, wakayenera kuzgoka kwananga, kuti walaŵe icho chikaŵa kuwa wakwananga, kuti wawerere ku kaphemana, kwizira mu "uphemaniski," na kuwa na lusungu pa wantru.

²⁸⁷ Vesi lakurondezgako, tegherezgani ku Ili apa.

Pakuti mu icho iyo iyomwene wakasuzgika . . .

²⁸⁸ Chiuta nthena wakasuzgika yayi mu Mzimu. Iyo wakayenera kuti wazgoke thupi, kuti wapulike kuŵinya kwa urwari, kuti wapulike kuyezgeka kwa udokezi, kuti wapulike kuyezgeka kwa kukhumba, kuti wapulike kuyezgeka kwa njara, kuti wapulike nkhongono ya nyifwa. Mwakuti Iyo wangamanya kutorera ichi pa Iyomwene kuti wayimilire mu Kuŵapo kwa Mzimu ukuru Yehova, Mzimu, ntha Munthu; Mzimu, kuti wapange maŵeyerero ku umoyo uwu. Ndipo Yesu wakatora icho, mwakuti watipangire maŵeyerero ise, pakuti Iyo wakumanya umo ichi chikupulikikwira. Para imwe mwarwara, Iyo wakumanya umo imwe mukupulikira. Para imwe mukuyezgeka, Iyo wakumanya umo imwe mukupulikira.

²⁸⁹ Sono, kasi imwe mukawonapo para ise tikuvotera purezidenti, mlimi waliyose wavoterenge purezidenti uyo wakaŵa mlimi, pakuti iyo wakumanya gawo linonono la umoyo wa mlimi. Mukuwona? Iyo wakukhumba munthu munyake uyo wakupulikiska.

²⁹⁰ Ndipo pambere Chiuta wandafike pa kupulikiska (Iyo pakuwa Utuŵa ukuru ula, kasi Iyo nthema wakapulikiska uli pamanyuma pakuti Iyo wakamususka munthu? Na utuŵa Wake, Iyo wakasuska munthu.), ndipo nthowa yekha pera Iyo wamanyenge umo wangamurunjiskira munthu njakuti wazgoke munthu.

²⁹¹ Ndipo Chiuta wakaphimba mwali ndipo iyo wakababa thupi, ntha ndopa za Chiyuda, ntha ndopa za Wamitundu, kweni Ndopa Zake Iyomwene. Ndopa zakulengeka za Chiuta, pakaŵavye kugonana kulikose, ntha chirichose, pakaŵavye chikhumbokhumbo cha kugonana. Ndipo Selo iyi ya Ndopa, yikalengeka mu nthumbo ya mwanakazi uyu, yikababa Mwana. Ndipo para Iyo wakati wabapatizika na Yohane Mubapatizi,

Yohane wakati, “Ine nkhuchitira ukaboni, kuwonanga Mzimu wa Chiuta (ngati nkhunda) kukhiranga na kudekanga pa Iyo.”

²⁹² Ntchambura kuziziswa kuti Yesu wakamanya kuyowoya, kuti, “Mazaza ghose Kuchanya na charu chapasi ghapika mu woko Lane.” Chiuta na munthu ūwakazgoka Yumoza. Kuchanya na charu chapasi vikagumatzgana chimoza na chinyake, ndipo Iyo wakaŵa Mweneuyo wangamanya kuperekwa uphemaniiski wa kwananga kwithu. Ndicho chifukwa kuti, mu Zina Lake, machirisko ghakuchitika. Iyo wakumanya chakuŵinya chinu.

²⁹³ Imwe muli kuyipulikapo yichoko iyi, sumu yakale?

Yesu wakumanya kuŵinya uko imwe mukupulika, Iyo wangamanya kuponoska ndipo Iyo wangamanya kuchizga;
Perekani katundu winu kwa Fumu ndipo mulekani kwenekula.

Uwo mbunenesko. Iyo wakumanya.

Para thupi lithu lasuzgika na kuŵinya, ndipo thanzi lithu tingaliwezgerapo yayi,
Kumbukirani waka Chiuta Kuchanya wakuzgora lurombo;
Yesu wakumanya kuŵinya uko imwe mukupulika, Iyo wangamanya kuponoska ndipo Iyo wangamanya kuchizga;
Perekani waka katundu winu kwa Fumu ndipo mulekani kwenekula.

²⁹⁴ Ndicho chekha Iyo wakutifumba, “Mulekani waka uyu kwenekula.” Chifukwa? Iyo ndi Msifi withu Mukuru wayimilira muno, uyo wakumanya umo imwe mukupulikira. Ndipo Iyo wakumanya umo wangamuphemaniiskirani imwe kuwerera ku uchizi, na umo wangamuwezgeskerani imwe ku thanzi linu. Iyo wakumanya vyose vya ichi, Iyo wakasuzgika. Para imwe mulije malo ghakuti muŵikepo mutu winu, Iyo wakaŵa nacho chantheuraso. Para imwe muli na chakuvwara chimoza cha kusinthira, Iyo wakaŵa ntheuraso. Para imwe mukuhoyeka, mukuzikizgika, Iyo wakaŵa ntheuraso.

²⁹⁵ Tegherezgani ku vesi laumaliro sono. Viri makora.

...*iyo ndi wamagomezgeko kovwira iwo ūweneawo ūwakuyezgeka.*

Panji, mu mazgu ghanyake, Iyo ndi wamagomezgeko *kovwira* ūweneawo, *kovwira* ūweneawo, kuŵapanga ūweneawo... kuŵachitira *chitima* iwo. Chifukwa, Chiuta Iyomwene wakazgoka munthu, mwakuti wachipulike ichi.

²⁹⁶ Imwe mukukumbukira, usiku unyake, kasi ise tikasambizga yayi pa icho? Umo kuti Chiuta wakayenera kuti... Nyifwa yikawa na liwozga mu iyi, chakofyera mu iyi. “Mazuŵa ghawo ghose iwo ūwakaŵa mu uzga na *nyifwa* iyi.” Ndipo ntheura Yesu

wakiza, mwakuti Iyo wangamanya kufumiskamo liwozga lira la nyifwa.

Ndipo para Iyo wakarutanga pachanya pa phiri, mukukumbukira umo ise tikayezgerera ichi? Madontho ghachokoghachoko ghaswesi ghara pa chikhoti Chake, pakati pajumpha kanyengo igho ghose ghakazgoka dontho likuru limoza, na kuthira Ndopa pa Iyo. Lake lichoko, thupi lakufoka, Iyo wakatondeka kurutirira, ndipo Iyo wakawa pasi. Simon Kurene, mwanarumi mufipa, wakamovwira Iyo kunyamura mphinjika kukwera phiri.

Ndipo para iwo ñwakati ñamukhoma Iyo ku mphinjika, ndipo Iyo wakachemerezga kupempha maji. Munthu waliyose wakusulura ndopa wakuhumba maji.

²⁹⁷ Mukukumbukira para ine nkapharazga usiku unyake pa “Nyiska, mbañala yikupenja mronga wa maji, ntheura uzima wane ukupenja Imwe, O Chiuta”? Usange nyiska yavulazika ndipo njamoyo, yikutaya ndopa, iyo yikwenera kuti yisange maji panji iyo yifwenge.

²⁹⁸ Ine nkhalasika, kusika ku munda, para ine nkhaŵa virimika fotini vyakubabika. Ndipo ine nkagona apo. Marundi ghane ghakatupa, ngati chingwa chakutupiskika, chifukwa cha futi ya thweluvu geji payipi. Ndipo ine nkachemerezga kukhumba maji, “O, ndipeni maji ghakumwa ine!” Ine nkhomirwa; milomo yane yikomirwa.

²⁹⁹ Mubwezi wane wakachimbilira ku chiziŵa chakale, chikaŵa na mitundu yose ya vibungu vyakale, chithaphwi. Ine nkaphwelera yayi kasi ichi chikaŵa chivichi. Ndipo iyo wakabenura ichi chakuzura na maji, ndipo ine nkajura mlomo wane, ndipo iyo wakajura chibenekerero chake ngati *ntheura*, mu mlomo wane. Enya, ine nhayenera kuti ndimwe maji.

³⁰⁰ Iyo wakasuluranga ndopa. Iyo wakati, “Ndipaseni maji ghakumwa Ine.” Ndipo iwo ñwakamupa vinyo wakusasa Iyo pa sponje, ndipo Iyo wakamukana uyu, ndipo wakamukana uyu. Iyo wakâwa Mwanamberere wa Chiuta wakafwanga m’malo mwa ise, kuti wawezgereske uphemaniiski kwa munthu. Kasi chikaŵa chivichi? Chiuta wa Kuchanya.

³⁰¹ Billy Sunday nyengo yimoza wakayowoya, kuti, “Chivwati chirichose chikâwa na Wângelo ñwakakhala mu ichi, kuyowoyanga, ‘Nyoroskani waka woko Linu ndipo rongorani munwe Winu, Ise tisinthenge chakuchitika.’”

³⁰² Gulu lakuchenjera lira la ñwasopisopi ñwakunyanyira, lakuchemeka nkhwantha zinyake zakusambira za D.D., Ph.D., likenda kufupi kwa Iyo ndipo likati, “Sono, usange iwe ndiwe Mwana wa Chiuta, iwe ukaponoska ñwanyake, wamwene ukutondeka kujiponoska, khira pa mphinjika, ndipo ise tikugomezgenge iwe.”

³⁰³ Iwo ūakamanya yayi kuti iwo ūakaperekanga ntchidi kwa Iyo. Iyo nthena wakajiponoska Iyomwene. Kweni usange Iyo wakajiponoskenge Iyomwene, ūanyake nthena Iyo wakawaponoska yayi. Ntheura, Iyo wakajipereka Iyomwene. Litumbikike Zina Lake. Iyo wakajipereka Iyomwene, mwakuti ine ningamanya kuponoskeka ndipo imwe mungamanya kuponoskeka. O, chitemwa uli chambura na chakukozganako nacho!

³⁰⁴ Iyo ntha wakayenera kuti warware. Thupi lakuzirwa lira lakubabika na mwali likayenera kurwara yayi. Kweni iyo wakazgoka kurwara, mwakuti Iyo wamanye umo wanganiweyerera ine para ndarwara.

³⁰⁵ Iyo ntha wakayenera kulopwa, kweni Iyo wakalopwa. Ine nkhaŵazga nkhani yichoko nyengo yimoza pa ichi, ine nkhumanya yayi kwali ichi chikakhözgeka panji yayi. “Para Iyo wakati wawuska mnyamatata yura ku Nayini kula, kuwuka ku ūakufwa, Iyo wakakhala pa jarawe ndipo wakatampha na kuŵinya kwa mutu,” chifukwa Iyo wakayenera kuti wanyamure urwari withu.

³⁰⁶ Iyo wakayenera kuti wanyamure kwananga kwithu, ndipo kula Iyo wakafwa, ndipo pa Mphinjika para njuchi yakale yira na nyifwa vikati vyanjizga liwozga lake. Waliyose wakumanya, para njuchi yanjizga liwozga lake, iyи yingarumaso yayi. Para njuchi yikuduka yikufumapo panji chibenene chirichose icho chikuruma, para ichi chanjizga liwozga lake, ichi chikuzgura liwozga. Iyo ndi njuchi ndithu kweni yirije liwozga. Chinthu cheka pera yingamanya kuchita ndi kuduma waka na kupanga chiwawa chinandi.

³⁰⁷ Ndi chinthu chekha pera nyifwa yingamanya kuchita ku wakugomezga, ndi kupanga waka chiwawa chinandi. Kweni, aleluya, litumbikike Zina la Fumu, Iyo wakanjizga liwozga lira la nyifwa mu thupi Lake Yekha. Emmanuel wakachita ichi. Wakaukas, pa dazi lachitatu, wakafumiskamo liwozga mwenemula, ndipo ndi wambura chivundi usiku uwu. Ndipo Mzimu Wake uli mu nyumba iyи, ndipo Iyo wakujisimikizgira Iyomwene wamoyo pakati pithu. Uyo ndi Mesiya withu. Uyo ndi Muponoski withu wakutumbikika.



ŴAHEBERE, CHIPATULO THU ³ CTK57-0828
(Hebrews, Chapter Two ³)
MAUPHARAZGI GHA BUKU LA ŴAHEBERE

Uthenga uwu wakupharazgika na M'bale William Marion Branham, pakudanga ukaperekeka mu Chingerezi pa Chitatu kumise, Ogasiti 28, 1957, pa Branham Tabernacle mu Jeffersonville, Indiana, U.S.A., ndipo uli kutoreka kufuma ku tepi ya magineti yakujambulika ndipo walembeka kwambura kusinthika mu Chingerezi. Kutanthauzira uku kwa Chitumbuka kukalembe ka kugawika na Voice Of God Recordings.

CHITUMBUKA

©2022 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. Box 51453, LIMBE, MALAWI

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuvikiririka. Buku ili lingamanya kudindika pa chakudindira cha kunyumba kuŵa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umo tingazakalisangiraso, kutanthauzika mu viyowoyeroy vinyakhe, panji kuligwiriska ntchito pa kupempheskera ndalamu kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org